



STJÓRN SSH 454. fundur

Mánudaginn 12. febrúar 2018, kl. 12:15, kom stjórn SSH saman til fundar á skrifstofu samtakanna, Hamraborg 9, Kópavogi.

Fundinn sátu: Ármann Kr. Ólafsson, Dagur B. Eggertsson, Haraldur Líndal Haraldsson, Gunnar Einarsson og Haraldur Sverrisson.

Fjarverandi: Ásgerður Halldórsdóttir og Guðný Ívarsdóttir.

Páll Guðjónsson, framkvæmdastjóri SSH sat einnig fundinn og ritaði fundargerð.

Ennfremur sátu fundinn undir 2. og 3. máli Hrafnkell Á Proppé svæðisskipulagsstjóri og Smári Ólafsson umferðarverkfræðingur frá VSÓ.

Stjórnarformaður SSH Ármann Kr. Ólafsson setti fund og stýrði.

Þetta gerðist:

1. Málafni skíðasvæða höfuðborgarsvæðisins / málsnr. 1501005

a) Kynning á tillögum samstarfsnefndar skíðasvæðanna um framtíðarsýn á starfsemi og uppbyggingu skíðasvæðanna

Á fundinn mættu undir þessum dagskrárlíð Eva Einarsdóttir formaður samstarfsnefndar skíðasvæðanna, Björg Fengler stjórnarmaður í samstarfsnefndinni, Ómar Einarsson sviðsstjóri ÍTR og Magnús Árnason framkvæmdastjóri skíðasvæða höfuðborgarsvæðisins

Kynnt voru meginatriði úr “Framtíðarsýn til 2030”, drögum að stefnumótun um uppbyggingu og framtíðarsýn fyrir rekstur skíðasvæðanna sem er í vinnslu á vegum stýrihóps samstarfsnefndar skíðasvæðanna.

Í samstarfssamningi sveitarfélaganna frá 7. nóvember 2016 er stjórn SSH falið hlutverk eigendavettvangs skíðasvæðanna sem skal árlega fjalla um rekstrar- og framkvæmdaáætlun skíðasvæðanna, sem og önnur mál er varða stefnumótun eða meiri háttar fjárhagslegar ákvarðanir sem ekki er mætt í rekstrar- og framkvæmdaáætlunum. Eigendavettvangurinn mótar endanlegar tillögum um framangreint til aðildarsveitarfélaganna til samþykktar.

Umræður

Niðurstaða:

Stjórn SSH fagnar þeim hugmyndum, ábendingum og tillögum stýrihópsins sem kynntar voru og telur rétt að þær verði teknar til áframhaldandi skoðunar og mótnar á endanlegum tillögum um langtímauppbyggingu skíðasvæða höfuðborgarsvæðisins.



Í grein 4.2 í samningi sveitarfélaganna frá 7. nóvember 2016 er sérstaklega fjallað um undirbúning vegna snjóframleiðslu og ákvarðanatöku þar um þegar niðurstöður áhættugreiningar vegna vatnsverndar liggja fyrir.

Upplýst var á fundinum að niðurstöðu úr áhættugreiningunni sé að vænta á næstu dögum.

Í ljósi þessa, og með vísun í hlutverk eigendavettvangs skíðasvæðanna felur stjórn formanni og framkvæmdastjóra SSH að undirbúa fyrir næsta stjórnarfund tillögu að skipun og erindisbréfi fyrir sérstakan starfshóps til að móta tillögur að næstu skrefum í máli.

Jafnframt var samþykkt að kynna þau drög sem farið var yfir á fundinum fyrir borgarráði og bæjarráðum aðildarsveitarfélaganna sem fyrst.

b) Ályktun um úrbætur á skíðasvæðum höfuðborgarsvæðisins – Opið bréf 7. febrúar 2015

Fyrir fundinum lá ályktun um ofangreint málefni, undirritað af formönnum 8 skíðafélaga og skíðadeilda á höfuðborgarsvæðinu.

Stjórn SSH vísar til framangreindrar bókunar sbr. a) lið hér að ofan, og felur formanni samstarfsnefndar um rekstur skíðasvæðanna að kynna framangreinda framtíðarsýn fyrir bréfiturum við fyrsta tækifæri.

2. Hjólreiðar á höfuðborgarsvæðinu / málsnr. 1608001

Á fundinn mættu Kristinn Jón Eysteinnsson og Katrín Halldórsdóttir, fulltrúar hjólreiðahóps SSH og Vegagerðarinnar og gerðu grein fyrir niðurstöðum og tillögum hópsins. Lokaskýrsla hópsins er í vinnslu og verður tilbúinn innan fárra daga.

Vinna hópsins er grundvölluð á ákvæði í samkomulagi SSH og Vegagerðarinnar frá 15. apríl 2015, og niðurstöðum og ábendingum sérstaks málþings um hjólreiðar sem haldið var á vegum Kópavogsbæjar í maí 2016

Umræður

Niðurstaða:

Stjórn SSH fagnar fram kominni vinnu hópsins og telur eðlilegt gerðar verði á henni lagfæringar í ljósi umræðna á fundinum og að hún verði síðan send sem lokadrög aðildarsveitarfélögunum til umsagnar áður en endanlega verður gengið frá henni sem lokaskjali inn í sameiginlegar niðurstöður verkefna í framangreindu samkomulagi SSH og Vegagerðarinnar.

3. Samgöngumál á höfuðborgarsvæðinu / málsnr. 1510005

Smári Ólafsson og Hrafnkell Á Proppé gerðu grein fyrir tillögum stýrihóps SSH, Vegagerðarinnar og samgönguráðuneytisins um mat á nauðsynlegum aðgerðum og framkvæmdum til ársins 2030 til úrbóta á stofnvegakerfi innan þéttbýlis á höfuðborgarsvæðinu og samspili þeirra aðgerða við undirbúning og væntanlegar framkvæmdir við innleiðingu og uppbyggingu Borgarlínu.

Umræður

Niðurstaða:

Í samræmi við hlutverk hópsins mun hann skila formlegri niðurstöðu og tillögum til samgönguráðherra í þessum mánuði, og á grundvelli þeirra skila þurfa sveitarfélögin á höfuðborgarsvæðinu að knýja á um að tekið verði tillit til þeirra við mótun samgönguáætlunar og fjármálaáætlunar ríkissjóðs.



4. Erindi sýslumanns höfuðborgarsvæðisins um fyrirkomulag á atkvæðagreiðslu utan kjörfundar v. sveitarstjórnarkosninga 2018.

Fyrir lá tölvupóstur sýslumannsins á höfuðborgarsvæðinu vegna ofangreinds frá 30.01.2018

Stjórn SSH getur ekki fallist á né lagt til við sveitarfélögin að einungis einn kjörstaður verði í boði. Borgarstjóri upplýsti og áréttaði að af hálfu Reykjavíkurborgar væri í boði aðstaða í Ráðhúsi Reykjavíkur vegna þessa.

5. Uppgjör sveitarfélaganna við Lífeyrissjóðinn Brú vegna skuldbindinga A hluta lífeyrissjóða starfsmanna sveitarfélaga /málsnr. 1801001

Í ljósi þess að enn virðist ekki að fullu lokið vinnu við yfirferð og útreikninga á framlögum sveitarfélaganna og útfærslu á fjármögnun á uppgjöri, þá óskar stjórn SSH þess að veittur verði greiðslufrestur á greiðslum sveitarfélaganna vegna uppgjorsins til loka febrúarmánaðar.

Fleira ekki gert – fundi slitið kl. 14:15

Páll Guðjónsson

From: Þórólfur Halldórsson <thorolfur@sylslumenn.is>
Sent: 30 January 2018 15:20
To: Páll Guðjónsson
Subject: Sveitarstjórnakosningar - atkvæðagreiðsla utan kjörfundar

Sæll Páll

Atkvæðagreiðsla utan kjörfundar vegna alþingiskosninga sl. haust fór í fyrstu fram á skrifstofu Sýslumannsins á höfuðborgarsvæðinu í Hlíðasmára 1, Kópavogi en fluttist síðan í Smáralind.

Vel tókst til með atkvæðagreiðsluna og kusu fleiri utan kjörfundar en nokkru sinni áður. Staðsetning kjörstaðarins kann að hafa haft áhrif á kosningabátttökuna, þó ekki verði fullyrt um það.

Alls störfuðu 57 starfsmenn við kosninguna.

Lang flestir sem kjósa utan kjörfundar hjá Sýslumanninum á höfuðborgarsvæðinu eru á kjörskrá í kjördæmunum þremur á höfuðborgarsvæðinu.

Nú eru framundan sveitarstjórnakosningar og gerir sýslumaður ráð fyrir að í fyrstu fari utankjörfundaratkvæðagreiðsla vegna þeirra fram á skrifstofu embættisins í Hlíðasmára 1, Kópavogi. Embættið mun fljótlega hefja leit að húsnæði til að hýsa kosninguna síðustu þrjár vikurnar fyrir kjördag, og sem fyrr reyna að fá húsnæði sem mest miðsvæðis á höfuðborgarsvæðinu. Nú verða „heima-kjördæmin“ sjö í stað þriggja sl. haust.

Vegna skipulags utankjörfundaratkvæðagreiðslunnar og kostnaðarmats er mikilvægt að afstaða sveitarfélaganna til þess hvernig að henni verður staðið liggi fyrir sem fyrst.

Sjálfsgætt er að funda með stjórn SSH til að fara yfir þessi mál.

Kveðja
Þórólfur Halldórsson

Sýslumaður
thorolfur@sylslumenn.is

Sýslumaðurinn á höfuðborgarsvæðinu
Hlíðasmári 1, 201 Kópavogur
Sími: (+354) 458 2000
www.sylslumenn.is

[Fyrirvari](#)